

LEKEITION



Gaztea antzarari helduta zintzilik dagoenean, sokari gora eta behera egingo diote eskuineko argazkian agertzen diren marinelek.

AZKAR / TXELU ANGOITIA

Ezetz burua kendu!

A.Z. / LEKEITIO

Hilaren 5ean izango da Antzara eguna, Sanantolineta-ko egun nagusia. Antzara jokoa egingo da eta Mastapunta ere bai. Urtean ez da beste egunik Lekeition hainbeste jende biltzen denik. Arratsaldeko lauretan itsasoratuko dira untiak antzararen bila.

Lekeitioko portuko komandanteak irteerarako seinalea emanda abiatuko da gaztez betetako untiak zintzilik dagoen antzararen bila. Kuadrilako bakar bat izango da antzarari lepotik heldu eta, tiraka, burua kentzen saiatuko dena. Behin hegaltia helduta, untiak aurrera egingo du, eta gaztea zintzilik ibiliko du sokari helduta, gora eta behera. Hamar-hamabi metroko alturara igoko dute taldekoek, eta, bat, bi, hiru, lau... aldiz joko du urak gaztearen gorputza, ahulduta antzara utzi eta uretara

erori arte ala, helburua lortuta antzararen burua eskuetan izan arte.

Antzara berberari burua kentzen seipazazpi lagun ahalegindu direnean lortuko du normalean hurrengoak lepoa moztea. Animalia zintzilikatu berria denean oso zaila izan ohi da lehenengotik burua eramatea. Urak emandako lehenengo kolpean etsiko duenik izango da aurrean ere, eta laupabost kolpe iraungo duenik era bai. Hortik gora irauten dutenak gutxi izaten dira ordeak.

Aurretik, antzara koipez igurtziko dute lepoa moztu nahi dietenei lana 'errazteko'. Koadrila bakoitzak aukera bakarria izango du. Burua kentzea lortzen duten koadrilek eramango dute antzara. Sari nagusiak, lepoa denborarik laburrenean moztu diotak eta antzarari helduta denbora gehien iraun duenak jasoko dute.

Antzarak hilda zintzilikatuko dituzte. Iaz ere horrela egin zuten bizirik zintzilikatzeak animalia era-

giten dion mina eragozteko. Aspal-dian ere aurretik hiltzen zituzten animaliak, baina 80etako hamarkadako urte gehienetan bizirik ipini izan zituzten antzarak. Eztabaida piztu izan du horrek eta azken urteotan aurretik hiltzen dituzte antzarak, nahiz eta horrek ikusgarritasuna kentzen dion ekitaldiari.

Azkenengo untiak bere saioa eginda, Mastapuntaren jokuari (kukainak) ekingo diote lekeitiarrek. Moilan uretara begira dagoen hamarren bat metroko makilaren puntan egongo da hartu beharreko bandera. Makila etzanda egongo da baina apur bat gora begira. Koipe 'pixkat' ere ipiniko dute banderarako bidean. Baldintza horietan bandera eskuratzeko duena, txapeldun.

Eguerdioko hamabietan egingo da zozketa. Ordu horretan erabakiko da Antzara jokoan lehenengo txanda zein kuadrilarena izango den, eta zeintzu joango diren hurrengo. Zoz-

keta bi mailatan egingo da: Lekeitio bertako untiak izango dira partehartzen lehenengoak eta horientzat zozketa berezia egingo da. Kanpotik datozen koadrilentzat izango da bigarren zozketa.

Zozketa ezagun hau udaletxean egingo da eta bertara patroiak joango dira untiaren ordezkari gisa. Udaletxean zozketa egiten ari diren bitartean, milaka lagun izango dira plazan zozketaren emaitzaren zain. Egundoko giroa izango da orduan udaletxe aurrean. Irina elkarri botaka ibiliko dira gehienak, denak zuri zuri geratu arte. Zozketa amaitu ostean, patroiak beren zenbakia eskuetan dutela irtengo dira udaletxetik eta kuadrilarekin elkartuta, untiara joango dira, bakoitzari dagokion zenbakia ezartzera. Zenbakiarekin batera, sloganen bat ere ikusi ohi da untiaren. Untziak arratsalderako prest utziko dituzte, txukun txukun, jokoari ekiteko gertu ●

Gaur

- 11.30etan Polikiroldegia eta Hirugarren Adinekoetzako Etxearen inaugurazioa.
- 12.00etan futbito kaskajoren azkena.
- 16.00etan Antolin deunaren IV Saskibalo txapelketa.
- 18.00etan erraldoi eta buruhandien irteera, herriko txistulariekin.
- 19.00etan koadrilen jaitsiera, Herriko Banda, Aittita Makurra eta Danok Bat txarangekin.
- 20.00etan Anteroren jaitsiera, txupinazoa, kanpai-jotea eta Angelusa.
- 23.00etan Izotz musika taldea plazan.

Bihar


- 08.00etan sokamuturra.
- 10.00etan Meza Nagusia.
- 11.00etan herritarrek egindako eskularen erakusketa.
- 16.30etan esku pilota partiduak Santi Brouard kiroletxean.
- 18.00etan umeentzat Ortzadar musika taldea plazan.
- 20.00etan bertsolariak plazan.
- 22.00etan Gauero musika taldea plazan.
- 23.00etan suziri bildumak, Pirotecnia Astondoaren eskutik.
- 23.30etan zezensuzkoa.
- 24.00etan Gauero musika taldea plazan.

Etzi

- + 08.00etan sokamuturra.
- 09.30etan txirrindulari lasterketa 1. eta 2. mailako afizionatuentzat.
- 12.00etan irrintzi txapelketa.
- 16.00etan goitibehera lasterketa.
- 16.30etan esku pilota partiduak Santi Brouard kiroletxean.
- 18.00etan laguntaldearen arteko V Saskibalo txapelketa azkena. Santi Brouard kiroletxean.
- 19.00etan herri kirolak plazan.
- 22.30etan Gazteok musika taldea plazan.

ITXAS - MENDI

Kirolak

Abaroa, 37 48280 LEKEITIO
Tfnoa.: 684 27 89 (Bizkaia)

ARRAKULU

TABERNA

Colmenares kalea, 9 LEKEITIO

EGUNSENTIA

Dastategia-Gozotegia

Atea, 28 Tfnoa.: 6842925

LEKEITIO

ATXARTE

TABERNA

Jaiak
ondo pasa !

Arranegi, 3

LEKEITIO

Egunkaria

Festa on
irakurleoi!!

EROSLE

LANDALUZE-K

Jai zoriontsuak
opa dizkizue !Santa Katalina, 2
Tfnoa.: 684 04 94

LEKEITIO

ATETA

ARGAZKI DENDA

APALLOA, 6 Tfnoa.: 684 13 08 LEKEITIO



ITXAS-ALDE TABERNA

JAI ZORIONTSUAK OPA DEUTSUEGUZ!
MARTXA GEHIEGI!!

Foru Enparantza, z/g

LEKEITIO